

Rechtsbronnen van Ardenburg

's-Grav. 1492

Oude vaderl. Rechtsbronnen

XV

1367, 1442

165

Ghend. Zo wye dade ter contrarieën, dat ware up eene boete van twintich scell. Par., also dicwyle alst gheviele.

§ 5.

Voort dat niemant, wie hy zy, caetseballen vercoopen zal, hy en zy vry int vorseide ambocht, up de boete van tien scell. Par., uuteghesteken daer men beslootene hazaerden houdt.

§ 6.

Voort dat niemant moet bi anderen wive zitten, huus noch hof houden danne met zinen ghetrauden wive, ende dat up zijn ambocht.

§ 7.

Voort dat hem zijn ambocht verboden zal werden te ghebrukene, die gheprouft putier es of die verwaten(es). tot an der stont, dat hy hem derof ghezuvert ende ghebetert zal hebben. Ende gheen persoon zal moghen ghebruucken de vryhede van den vorseiden ambochte noch ontfaen werden int zelve ambocht nemmermeer te gheenen daghen, die ondervonden dief es.

§ 8.

Voort zo zal de deken van den vorseiden ambochte mach- tich zijn tghemeene ambocht tegadere te doene tallen tyden, dat hem zitten ende voughen zal, omme die nutschepe ende omme tproffijt van den heer ende van der wet ende van den ghemeenen ambochte; ende zo wie diere niet en quame, up- dat hijt in overhoricheden ¹⁾ liete, die zal verbueren tjeghen tvorseide ambocht twintich scellinghen Par., also menich- werven alst gheviele. Ende van alle den vorseiden boeten zal de heer hebben een derdendeel, de stede een derdendeel ende tvorseide ambocht een derdendeel. Ende es wel te verstane, dat bi virtute van zekeren openen brieven van mandementen, tanderen tyden ghegheven by onsen vorseiden gheduchten heer van Borgondien, de inwoonders van der vorseide stede van Aerdenburch, die gheene poorters zijn noch vry int vorseide ambochte, wel zullen moghen ghebruken de vryhede

1) Er staat: *overhoricheden*.

zijn rekeninghe te doene vriendelic ofte wettelic, naer de gheliefte van den vrienden ende maghen ende ooc van der wet, alle jaere, ofte ten lanxten ten twee jaren eens, updat versocht werdt, up ghelycke boete, ten waere dat zy daertoe uutstel hadden van der wet uut eenighe redelicke cause.

§ 49.

Item dat nyemant up eenighe Zondaghen, vigilie- of anderen gheboden mesdaghe binnen den tyde van den sermoene ende hoofmesse ¹⁾ hem en vervoordere te caitsene, clossene ofte rollene naer prijs ofte andersins, elc up de boete van telkens by begrype, zoowel diet dade als diet spel hielde of ghedoochde, XX s. P. ²⁾

§ 50.

Item dat ooc yeghelic gheen poorter oft inwonende (zijnde) up ghelycke daghen en tyden van den sermoenen of hoofmesse ³⁾ hem en vinde in eenighen tavernen gelaghewijs zittende of drijckende, telkens by begrype, zowel die dade als die se stelde ende ghedoochde, up de boete van XX s. P. ⁴⁾, wel verstaende tznuchtens van den IX^{en} tot den XI^{en} ueren ⁵⁾, tsachternoens van den een totten II^e ueren. ⁵⁾

§ 51.

Item dat nyemant voortan en dussche eenich coren of ander graen, noch ooc en boete ofte en zwijnghele eenich vlas by den kerslichte noch in eenighe schueren, noch ooc by daghe in eenighe bewoonde woonhuusen, telcken by begrype, up de boete van III ^u P.

§ 52.

Item dat ooc niemant voortan en tasse ofte lade eenighe schoven van coorne, grane, stroo, hoy, vlas ende diegelycke vruchten in eenighe bewoonde huusen, up de boete van III ^u P.

1) Het gespatieerd gedrukte is in den tekst doorgelaald.

2) XX s. is doorgelaald en vervangen door: IV ^u P.

3) of hoofmesse is doorgelaald; later is daarboven geschreven: of hoochmesse.

4) De volgende woorden zijn later met dezelfde hand toegevoegd.

5) Er staat: *hueren*.

36. 10. 12

XV

1578

191

§ 64.

Item dat elc poortere ende inwoendere deser stede ghehouden werdt eens te weecke de grippen ende stedestraten voor zijn huusen ende erfve scoene te maeckene ende de vulicheede van dien te doen weerene van der straten, telcken by begrype up peyne van XX s. P.

§ 65.

Item dat niemant en vervoordere up eenighen van den kerchoven deser stede te schietene, catsene, rollene, cuetene, toppene, balslaene of anderen spelen, hoedanich die zijn, up de boete van XX s. P. Ende indient kinderen deden, zo zal men de boete verhalen an vadere, moedere of meesters, in wiens aet of dranc zelve speelders weesen zullen.

§ 66.

Item dat niemant hem en vervoordere binnen den poortale van Onser-Vrouwenkercke deser stede te stane met cramen van eetelicke waren, cramerie, merserie, specerie of dierghelicke waeren, telcken by begrype up de boete van XX s. P.

§ 67.

Item dat ooc niemant en voere of draghe eenich greyns, steen, smeedecoolen ofte ander vulegheeden binnen den comprinse van deser stede, maer dat men tzelve vouere of draghe buuten de poorten der voornoemde stede up de boete van II fl P.

§ 68.

Item dat ooc niemant en breecke de caeye van de brugghen, poorten, de mueren van den kerchoven ende ooc en worpe de steenen, greys of andere zaecken in der stede waterganghen, steenputten oft vesten, up arbitrale correctie naer bevint van den sticke ende boete III fl P. Ende indien de kinderen, cnapen of joncwijfs daden, men zal dezelve boete verhalen up vadere, moedere, meester of vrouwe, in wiens aet ende drancke dezelve zijn, also dicwels alst ghebuert.